

Sea intencional of casualmente:

# Esun cu a duna chens pa presonan scapa di KIA lo sa di paga pe !

Segun palabra di Minister di Husticia

ORANJESTAD (AAN) -- Minister Rudy Croes a duna di conoce pa DIARIO, cu awor Landsrecherche ta bezig ta investiga ta ken a yuda pa e presonan, of alomenos un di nan, por a sali for di KIA, pasobra eynan tin un Instituto Coreccional y un Cuerpo Special Aruba, cu ta nifica dos cuerpo banda di otro unda cu, segun e dignatario, "algo a pasa entre nan dos" sabiendo ki peligro e persona concerni ta representa pa comunidad.

Importante ta pa laga Landsrecherche demostra aworaki si ta un of mas culpable tin, Minister Rudy Croes a remarca, pero nan mester keda haya pa nan sa cu pa e trabao aki nan no ta sirbi y cu nan tin cu bay cas.

DEN E PROCESO DI EXPANSION:

Minister di Husticia a agrega cu KIA ta pasando den un proceso di expansion, den cual tin cierto peligran cune, por ehemplo, cu cualkier momento loke a sosode por a pasa.

Segun e dignatario, dos siman pasa cu a tuma e decision di move un barac pone otro caminda mehor, e mesun dia un grua a cay basha dos muraya di KIA den otro, y tabata facil e dianan ey cu hendenan por a huy.

Pero gobierno a percura pa Cuerpo Special y e trahadornan di KIA evita pa lo peor por a pasa. No obstante, e

mandatario a remarca, awor cu no tabata tin nada si tabata tin problema. Minister di Husticia a menciona cu ainda e situacion no ta manera gobierno ta desea, pasobra den e proceso di construccion unda cambianan mester bin, locual ta trece

cune cu algun muraya mester keda basha abao, tin hendenan pa cuida pa evita huida di preso.

"Ta dificil pa un cuidador di preso tin dos yabi di dos porta, y pafo bo tin e zona di peligro cu ta tira so nan ta

tira riba hende, anto ainda e hendenan aki a logra huy. Kiermen tin preguntanan cu mi no por contesta aworaki pero mi ta wardando pa Landsrecherche bin cla cu e rapport y esnan cu a haci cu e huida di e persona aki bira

posible, nan lo sa di paga pe", Minister di Husticia a subraya.

En todo caso, e mandatario kier sa ken a duna e preso(nan) e chens pa bay for di prison, sea intencional of casualmente.

## Gobierno mester sinta na mesa pa regla cu trahadornan di Cas pa Hubentud

ORANJESTAD (AAN): — Gobierno y trahadornan di Cas pa Hubentud a topa otro den Corte, caminda Huez a manda e partinan pa sinta na mesa cu otro y yega na un solucion hunto.

Si esaki no logra, anto Huez lo dicta sentencia riba 22 di April, mes dia cu e lo dicidi tambe tocante e destino di e muchanan di Cas pa Hubentud.

E trahadornan a pidi Corte pa bisa gobierno pa sigui paga subsidio na Cas pa Hubentud pa asina nan por cobra nan salario, como cu esaki ta mara na e placa cu e Fundacion ta ricibi.

Nan lo kier sigui cobra te cu decision cay den LAR.

E trahadornan ta den un situacion basta fastioso, caminda nan no tin problema cu nan dunador di trabao (cu

ta Cas pa Hubentud), sino cu e bestuur di e Fundacion tin problema cu gobierno.


Gobierno a duna e trahadornan un oferta riba cual nan tabatin te cierto tempo pa reacciona, loke nan

no a haci y awor Pais Aruba ta bisa di no tin ningun relacion laboral mas cu nan.

Pero tog e trahadornan kier nan derecho y asina ta cu awor lo bay sinta na mesa cu otro pa wak kico por haci.

**TELEFONNAN DI DIARIO**  
**582-6747- FAX 582-8551**

## NOS LEYNAN TA MESCO CU NOS CARETERANAN!!



**BEST DEAL**


Tel: 5827100

(Pariba di Aruba Bank, Paradera)

**BEST SHOPPING DEAL**

Turibana Plaza

Tel: 5865455



Video Intercom  
System

Afl: 225,=